

CONVENIO DE COLABORACIÓN ENTRE LA CONSELLERÍA DE SANIDAD, EL SERVICIO GALLEGO DE SALUD, LA AGENCIA GALLEGA PARA LA GESTIÓN DEL CONOCIMIENTO EN SALUD Y LA UNIVERSIDAD NACIONAL DE EDUCACIÓN A DISTANCIA PARA LA REALIZACIÓN DE PRÁCTICAS EXTERNAS DE LOS ESTUDIOS OFICIALES DE GRADO Y MÁSTER

MEMORIA XUSTIFICATIVA

A xerente do Servizo Galego de Saúde, DECLARA:

Que a Consellería de Sanidade, o Servizo Galego de Saúde e a Axencia Galega para a Xestión do Coñecemento en Saúde, formalizaron, o día 05 de marzo de 2024, coa Universidade Nacional de Educación a Distancia (UNED), o instrumento convencional arriba referido. O Convenio ten unha duración de catro anos desde o día seguinte ao da súa sinatura, salvo denuncia expresa dalgunha das partes, formulada cunha antelación mínima de dous meses ao vencemento do prazo inicial ou da súa prorroga. Podendo prorrogarse de forma expresa por un período de catro anos adicionais. En calquera caso, os compromisos adquiridos deberán ser cumpridos no correspondente curso académico.

O instrumento convencional ten por obxecto establecer a forma e condicións de cooperación entre as partes asinantes, para a adecuada planificación, desenvolvemento e avaliación do programa de prácticas externas curriculares dos estudos oficiais de Grado e Master, a través dos cales o alumnado da UNED poida complementar a súa formación teórica con formación práctica en centros asistenciais dependentes do Servizo Galego de Saúde ou nas unidades administrativas do Servizo Galego de Saúde e da Consellería de Sanidade.

Esta formación práctica terá como obxectivo o coñecemento por parte do alumnado da metodoloxía e técnicas do campo da titulación correspondente, a través do aproveitamento da experiencia da Consellería de Sanidade e do Servizo Galego de Saúde en áreas operativas relacionadas coa súa formación universitaria, promovendo o desenvolvemento profesional e o acceso ao mercado laboral dos futuros titulados e tituladas.

Que existe converxencia de intereses entre as entidades asinantes en orde á consecución do obxectivo referido.

Que o instrumento convencional que se asinou se fundamenta no seguinte:

A UNED é unha institución de dereito público á que lle corresponde, no ámbito das súas competencias, o servizo público da educación superior. Está dotada de personalidade xurídica e patrimonio propios e goza de autonomía académica, económica e de goberno consonte a Constitución e coa lei orgánica de universidades, e entre os seus fins prioritarios figuran, entre outros, a consecución das máximas cotas de calidade de docencia e o desenvolvemento dunha formación idónea, presencial ou non, para facilitar a aprendizaxe do seu alumnado e a

súa preparación para o exercicio de actividades profesionais.

Por outra parte, o Sistema Sanitario é unha organización baseada no coñecemento, prestadora de servizos e multidisciplinar, caracterizada por unha notable complexidade organizativa e por un gran desenvolvemento científico e tecnolóxico. A complexidade organizativa, a súa incesante innovación e incorporación de novas tecnoloxías e a heteroxeneidade dos recursos humanos cos que conta, fan que o ámbito sanitario permita aos estudantes de múltiples titulacións universitarias, sanitarias e non sanitarias, enfrontarse a situacións reais de esixencia profesional, adquirir a actitude e predisposición necesaria para a asunción das responsabilidades e facilitar a planificación dunha carreira profesional axustada aos seus intereses e capacidades.

A UNED ten a vontade de potenciar a realización de formación especializada e prácticas en centros, unidades e servizos integrados na Consellería de Sanidade ou no Servizo Galego de Saúde, coa finalidade de contribuír a una mellor e mais completa formación e cualificación do seu alumnado.

Tanto a Consellería de Sanidade como o Servizo Galego de Saúde, veñen colaborando tradicionalmente na organización e desenvolvemento de actividades docentes no ámbito da saúde promovidas desde as universidades.

O Servizo Galego de Saúde, organismo autónomo adscrito a Consellería de Sanidade desde a súa creación pola Lei 1/1989 de 2 de xaneiro, ten entre as súas funcións a xestión das prestacións sanitarias e a xestión dos centros, servizos e establecementos sanitarios propios ou adscritos ao mesmo, así como o desenvolvemento de programas de docencia que lle sexan encomendados pola Consellería, dentro da súa competencia e que sexan necesarios para os seus fins.

Así mesmo, o Decreto 112/2015, do 31 de xullo, creou a Axencia Galega para a Xestión do Coñecemento en Saúde, adscrita á Consellería de Sanidade a través do Servizo Galego de Saúde. Entre os seus fins xerais e obxectivos básicos está o de actuar, en réxime de descentralización funcional, como un instrumento de xestión da formación no Sistema Público de Saúde de Galicia. A súa Presidencia correspóndelle á persoa titular da Consellería de Sanidade.

Segundo o disposto no Real Decreto 592/2014, de 11 de xullo, polo que se regulan as prácticas académicas externas dos estudantes universitarios, as universidades establecerán mediante convenio, programas de cooperación educativa con empresas e entes públicos para a formación do alumnado, a fin de reforzar a súa formación nas áreas operativas, conseguir profesionais cunha visión real e preparar a súa futura incorporación ao mercado de traballo.

Ambas partes procederon na data de 29 de novembro de 2021 a sinatura do Convenio de Colaboración entre a Consellería de Sanidade, o Servizo Galego de Saúde, a Axencia Galega



para a Xestión do Coñecemento en Saúde e a Universidade Nacional de Educación a Distancia para a Realización de Prácticas Externas e Traballos Fin de Grado dos Estudos Oficiais de Grao e Master.

O convenio mencionado anteriormente quedará resolto, liquidado, extinguido e privado de calquera eficacia xurídica unha vez o presente convenio adquira eficacia xurídica. En consecuencia, o presente convenio substituirá na súa totalidade o extinto convenio asinado polas partes na data 29 de novembro de 2021.

É vontade destas institucións intensificar as relacións entre o mundo universitario e o ámbito asistencial, facilitando o achegamento do alumnado universitario á realidade profesional e ao desenvolvemento práctico dos coñecementos teóricos das distintas disciplinas que adquiren na Universidade.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estimouse xustificado o recurso á sinatura do instrumento convencional, con exclusión doutras figuras.

E para que conste, asínase esta memoria, en Santiago de Compostela.

